

2020թ. ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻՆ ԿԻՑ ԾԱՆՈԹԱԳՐՈՒԹՅՈՒՆՆԵՐ

1. Գործունեության բնույթը և ընդհանուր տեղեկություններ

1.1. Ընդհանուր տեղեկություններ

«ԱՅՈՒՆ» ՈՒՎԿ ՓԲԸ-ն (այսուհետ՝ Ընկերություն) ստեղծվել է 2019թ. հուլիսի 16-ին հիմնադրի որոշմամբ և գրանցվել է ՀՀ Կենտրոնական բանկի (այսուհետ՝ ՀՀ ԿԲ) կողմից 2019թ. սեպտեմբերի 26-ին:

Ընկերության

Անվանումը՝	«ԱՅՈՒՆ» ՈՒՎԿ ՓԲԸ
Գրանցման համարը՝	49
Գրանցման վկայականը՝	328
Գրանցման ամսաթիվը՝	26.09.2019թ.
Գտնվելու վայրը և գործունեության հասցեն՝	ՀՀ, ք. Երևան, Սարյան փ. 12 շենք, բն. 1
Հարկ վճարողի հաշվառման համարը՝	02814808

Ընկերությունը գործում է ՀՀ Սահմանադրությանը, ՀՀ քաղաքացիական օրենսգրքին, «Բաժնետիրական ընկերությունների մասին» ՀՀ օրենքին, «Վարկային կազմակերպությունների մասին» ՀՀ օրենքին, ՀՀ ԿԲ նորմատիվ իրավական ակտերին, այլ իրավական ակտերին և իր կանոնադրությանը համապատասխան և վերահսկվում է ՀՀ ԿԲ-ի կողմից:

1.2. Կորպորատիվ կառուցվածքը

31 դեկտեմբերի 2020թ. դրությամբ Ընկերության 200,000 (երկու հարյուր հազար) հատ 1,000 (մեկ հազար) ՀՀ դրամ անվանական արժեքով սովորական բաժնետոմսերի 100%-ը պատկանում է Լատվիայի Հանրապետության քաղաքացի Մարտինս Բաումանիսին:

2021 թվականի հունիսի 4-ին Մարտինս Բաումանիսի և ԼՂՀ քաղաքացի Լիլիթ Հակոբի Հակոբյանի միջև ստորագրվել է Ընկերության 100% բաժնետոմսերի առուվաճառքի պայմանագիր, որի համաձայն Ընկերության բոլոր բաժնետոմսերի նկատմամբ սեփականությունը անցնում է Լիլիթ Հակոբի Հակոբյանին՝ ՀՀ կենտրոնական դեպոզիտարիայում համապատասխան գրանցումը կատարելու օրվանից: Սակայն, տեխնիկական պատճառներով նշված առուվաճառքի գրանցումը դեպոզիտարիայում դեռևս կատարված չէ, թեև ակնկալվում է, որ մոտ օրերս այն կավարտվի, քանի որ բոլոր տեխնիկական խոչընդոտներն արդեն վերացված են:

Ընկերության կառավարման բարձրագույն մարմինն Ընկերության բաժնետերերի ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք:

Ընկերության տնօրենների խորհրդի անդամներն են՝

- Մարտինս Բաումանիս,
- Յանիս Միտրոֆանովս,
- Ռիտվարս Ստռաում:

Ընկերության ընթացիկ գործունեության ղեկավարումն իրականացնում է Ընկերության գործադիր տնօրենը, ով հաշվետու է Ընկերության բաժնետերերի ընդհանուր ժողովին:

Ընկերության ֆինանսատնտեսական գործունեության վերահսկումն իրականացվում է Ընկերության վերստուգողի՝ Զառա Մելքոնյանի կողմից:

Ընկերության աշխատակիցների ցուցակային թվաքանակը 31.12.2020թ. դրությամբ կազմել է 2 (2019թ.՝ 2):

2020թ. ֆինանսական հաշվետվություններին կից ծանոթագրություններ

1.3. Գործունեության ուղղությունները

Ընկերությունը որպես ձեռնարկատիրական գործունեություն իրականացնում է վարկային կազմակերպության գործունեություն, այն է՝ ներգրավվում է փոխառություններ և (կամ) կնքում Օրենքով սահմանված նմանատիպ գործարքներ և (կամ) տրամադրում վարկեր կամ կատարում Օրենքով սահմանված այլ ներդրումներ:

Ընկերությունը կարող է իրականացնել Օրենքով վարկային կազմակերպությունների համար սահմանված ֆինանսական գործառնություններ, ներառյալ՝

- ներգրավել փոխառություններ և (կամ) կնքել նմանատիպ գործարքներ, բացառությամբ պարտատոմսերի և հրապարակային օֆերտաներով միջոցների ներգրավման.
- տրամադրել վարկեր, փոխառություններ, իրականացնել պարտքի կամ առևտրային գործարքների ֆինանսավորում, ֆակտորինգ.
- տրամադրել երաշխիքներ.
- թողարկել արժեթղթեր, ինչպես նաև իր հաշվին և իր անունից արժեթղթերով գործարքներ կատարել.
- մատուցել վարկային կազմակերպության գործունեության հետ կապված վճարահաշվարկային ծառայություններ.
- մատուցել ֆինանսական գործակալի (ներկայացուցչի) ծառայություններ, կառավարել այլ անձանց ներդրումները, իրականացնել հավատարմագրային (լիազորագրային) կառավարում.
- գնել, վաճառել և կառավարել բանկային ոսկի և ստանդարտացված ծովակտորներ և մետաղադրամ.
- իրականացնել ֆինանսական վարձակալություն (լիզինգ).
- ի պահ ընդունել թանկարժեք մետաղներ, քարեր, ոսկերչական իրեր, արժեթղթեր, փաստաթղթեր և այլ արժեքներ.
- մատուցել ֆինանսական խորհրդատվություն.
- ստեղծել և սպասարկել հաճախորդների վարկարժանության տեղեկատվական համակարգ, իրականացնել պարտքերի հետ ստացման գործունեություն.
- ԿԲ համաձայնությամբ իրականացնել վարկային կազմակերպություններին բնորոշ միջազգային պրակտիկայում ընդունված գործառնություններ:

Չնայած կանոնադրությամբ նախատեսված գործունեության տեսակների վերը թվարկված առատությանը, Ընկերությունը 2020թ. ընթացքում չի իրականացրել ակտիվ գործունեություն՝ COVID-19 համավարակով և այլ հանգամանքներով պայմանավորված: Վերը 1.2 կետում նշված բաժնետիրոջ փոփոխությունից հետո ակնկալվում է ակտիվացնել Ընկերության գործունեությունը:

2. Պատրաստման հիմունքները

2.1. Հայտարարություն համապատասխանության մասին

Սույն ֆինանսական հաշվետվությունները ֆինանսական հաշվետվությունների միջազգային ստանդարտներին («ՖՀՄՍ») համապատասխան պատրաստված Ընկերության երկրորդ տարեկան ֆինանսական հաշվետվություններն են:

2.2. Չափման հիմունքները

Սույն ֆինանսական հաշվետվությունները պատրաստվել են չափման սկզբնական արժեքի հիմունքով:

2020թ. ֆինանսական հաշվետվություններին կից ծանոթագրություններ

2.3. Ֆունկցիոնալ և ներկայացման արժույթը

ՀՀ ազգային արժույթը ՀՀ դրամն է, որն Ընկերության ֆունկցիոնալ և ներկայացման արժույթն է: Ներկայացված ամբողջ ֆինանսական տեղեկատվությունը կլորացված է մինչև մոտակա հազար դրամը:

2.4. Գնահատումների և դատողությունների օգտագործումը

ՖՀՄՍ-ներին համապատասխան ֆինանսական հաշվետվությունների պատրաստման համար անհրաժեշտ է, որ ղեկավարությունը կատարի դատողություններ, գնահատումներ և ենթադրություններ, որոնք ազդում են հաշվապահական հաշվառման քաղաքականության կիրառման, ինչպես նաև ֆինանսական հաշվետվություններում ներկայացվող ակտիվների, պարտավորությունների, եկամուտների և ծախսերի գումարների վրա: Փաստացի արդյունքները կարող են այդ գնահատումներից տարբեր լինել:

Գնահատումներն ու դրանց հիմքում ընկած ենթադրությունները շարունակական հիմունքով վերանայվում են: Հաշվապահական գնահատումների վերանայումների արդյունքները ճանաչվում են վերանայման ժամանակաշրջանում և հետագա ժամանակաշրջաններում, որոնց վրա ազդում են:

2.5. Ստորագրումը

Սույն ֆինանսական հաշվետվությունները ստորագրվել են 2020թ. հունիսի 29-ին՝ Ընկերության գործադիր տնօրեն Տիգրան Բոստանջյանի և գլխավոր հաշվապահ Աննա Կարապետյանի կողմից:

3. Հաշվապահական հաշվառման քաղաքականության վերաբերյալ էական տեղեկատվություն

Ներկայացվող հաշվապահական հաշվառման քաղաքականությունը կիրառվել է ֆինանսական հաշվետվությունների պատրաստման ընթացքում: Հաշվապահական հաշվառման քաղաքականությունը կիրառվել է հետևողականորեն:

3.1. Եկամուտների և ծախսերի ճանաչում

Եկամուտը ճանաչվում է, երբ տեղի է ունեցել ապագա տնտեսական օգուտների աճ՝ կապված ակտիվների ավելացման կամ պարտավորությունների նվազման հետ, որը հնարավոր է արժանահավատորեն չափել: Ծախսը ճանաչվում է, երբ տեղի է ունեցել ապագա տնտեսական օգուտների նվազում՝ կապված պարտավորությունների աճի կամ ակտիվների նվազման հետ, որը հնարավոր է արժանահավատորեն չափել:

Արդյունքային տոկոսադրույքի մեթոդ

Տոկոսային եկամուտը և ծախսը ճանաչվում են շահույթում կամ վնասում՝ կիրառելով արդյունքային տոկոսադրույքի մեթոդը: Արդյունքային տոկոսադրույքն այն դրույքն է, որը ֆինանսական գործիքի գործողության ակնկալվող ժամկետի համար գնահատված դրամական ապագա վճարումները կամ ստացվելիք գումարները զեղչում է ճշգրիտ մինչև՝

- ֆինանսական ակտիվի համախառն հաշվեկշռային արժեքը կամ
- ֆինանսական պարտավորության ամորտիզացված արժեքը:

Ֆինանսական գործիքների, բացառությամբ գնված կամ սկզբնավորված պարտքային առումով արժեզրկված ակտիվների, արդյունքային տոկոսադրույքը հաշվարկելիս Ընկերությունը գնահատում է ապագա դրամական հոսքերը՝ հաշվի առնելով ֆինանսական գործիքի բոլոր պայմանագրային պայմանները, սակայն առանց հաշվի առնելու ակնկալվող պարտքային կորուստ: Գնված կամ սկզբնավորված պարտքային առումով արժեզրկված ֆինանսական ակտիվների համար հաշվարկվում է

2020թ. ֆինանսական հաշվետվություններին կից ծանոթագրություններ

պարքային ռիսկով ճշգրտված արդյունքային տոկոսադրույք՝ կիրառելով ապագա դրամական հոսքերը՝ ներառյալ ակնկալվող պարտքային կորուստը:

Արդյունքային տոկոսադրույքի հաշվարկը ներառում է գործարքի հետ կապված ծախսումները և վճարված կամ ստացված բոլոր այն գումարները, որոնք կազմում են արդյունքային տոկոսադրույքի բաղկացուցիչ մասը: Գործարքի հետ կապված ծախսումները ներառում են այն լրացուցիչ ծախսումները, որոնք ուղղակիորեն վերագրելի են ֆինանսական ակտիվի կամ ֆինանսական պարտավորության ձեռքբերմանը կամ թողարկմանը:

Ամորտիզացված արժեք և համախառն հաշվեկշռային արժեք

Ֆինանսական ակտիվի կամ ֆինանսական պարտավորության ամորտիզացված արժեքն այն գումարն է, որով ֆինանսական ակտիվը կամ ֆինանսական պարտավորությունը չափվում է սկզբնական ճանաչման պահին՝ հանած հիմնական գումարի մարումները, գումարած կամ հանած սկզբնական գումարի և մարման գումարի տարբերության գծով կուտակված ամորտիզացիան՝ հաշվարկված արդյունքային տոկոսադրույքի մեթոդով, և ֆինանսական ակտիվների համար՝ ճշգրտված ակնկալվող պարտքային կորստի գծով պահուստի մասով:

Ամորտիզացված արժեքով չափվող ֆինանսական ակտիվի համախառն հաշվեկշռային արժեքն իրենից ներկայացնում է ֆինանսական ակտիվի ամորտիզացված արժեքը՝ նախքան ակնկալվող պարտքային կորստի գծով պահուստի մասով ճշգրտումը:

Տոկոսային եկամուտների և ծախսերի հաշվարկ

Տոկոսային եկամտի և ծախսերի հաշվարկում արդյունքային տոկոսադրույքը կիրառվում է ակտիվի համախառն հաշվեկշռային արժեքի (եթե ակտիվը արժեզրկված չէ) կամ պարտավորության ամորտիզացված արժեքի նկատմամբ: Այնուամենայնիվ, սկզբնական ճանաչումից հետո արժեզրկված ֆինանսական ակտիվների համար տոկոսային եկամուտը հաշվարկվում է՝ կիրառելով արդյունքային տոկոսադրույք ֆինանսական ակտիվի զուտ ամորտիզացված արժեքի նկատմամբ: Եթե ակտիվը այլևս արժեզրկված չէ, ապա տոկոսային եկամուտը հաշվարկվում է համախառն հիմունքով: Սկզբնական ճանաչման ժամանակ արժեզրկված ֆինանսական ակտիվների գծով տոկոսային եկամուտը հաշվարկվում է՝ ճշգրտված արդյունքային տոկոսադրույքը կիրառելով ակտիվի ամորտիզացված արժեքի նկատմամբ: Տոկոսային եկամուտը չի հաշվարկվում համախառն հիմունքով, նույնիսկ եթե ակտիվի պարտքային ռիսկը բարելավվում է:

3.2. Ֆինանսական գործիքներ

(i) Սկզբնական ճանաչումը և չափումը

Ընկերությունը ֆինանսական ակտիվը կամ ֆինանսական պարտավորությունն իր ֆինանսական վիճակի մասին հաշվետվությունում ճանաչում է այն և միայն այն դեպքում, երբ այն դառնում է գործիքի պայմանագրային կողմ:

Ֆինանսական ակտիվը կամ ֆինանսական պարտավորությունը սկզբնական ճանաչման պահին չափվում է իրական արժեքով՝ գումարած, այն դեպքում, երբ դա «իրական արժեքով» շահույթի կամ վնասի միջոցով չափվող» ֆինանսական ակտիվ կամ ֆինանսական պարտավորություն չէ, գործարքի հետ կապված այն ծախսումները, որոնք ուղղակիորեն վերագրելի են ֆինանսական ակտիվի կամ ֆինանսական պարտավորության ձեռքբերմանը կամ թողարկմանը:

(ii) Ապաճանաչումը

Ընկերությունն ապաճանաչում է ֆինանսական ակտիվն այն և միայն այն դեպքում, երբ՝

2020թ. ֆինանսական հաշվետվություններին կից ծանոթագրություններ

- ա) ֆինանսական ակտիվից առաջացող դրամական հոսքերի նկատմամբ պայմանագրային իրավունքները կորցնում են իրենց ուժը (լրանում է ուժի մեջ լինելու ժամկետը). կամ
- բ) այն փոխանցում է ֆինանսական ակտիվը, և փոխանցումը ստորև շարադրվածին համապատասխան որակվում է որպես ապաճանաչման պայմանները բավարարող:

Ֆինանսական պարտավորությունը (կամ ֆինանսական պարտավորության մի մասը) ապաճանաչվում է այն և միայն այն դեպքում, երբ այն մարվում է, այսինքն, երբ պայմանագրում նշված պարտականությունը կատարվում է կամ չեղյալ է համարվում, կամ ուժի մեջ լինելու ժամկետը լրանում է:

Գոյություն ունեցող փոխառուի և փոխատուի միջև նշանակալիորեն տարբերվող պայմաններով պարտքային գործիքների փոխանակումը պետք է հաշվառվի որպես սկզբնական ֆինանսական պարտավորության մարում և նոր ֆինանսական պարտավորության ճանաչում: Նմանապես, գոյություն ունեցող ֆինանսական պարտավորության կամ դրա մի մասի պայմանների նշանակալի վերափոխումը (անկախ այն բանից, արդյոք այն վերագրելի է փոխառուի ֆինանսական դժվարություններին) պետք է հաշվառվի որպես սկզբնական ֆինանսական պարտավորության մարում և նոր ֆինանսական պարտավորության ճանաչում:

Մարված կամ այլ կողմի փոխանցված ֆինանսական պարտավորության (կամ ֆինանսական պարտավորության մի մասի) հաշվեկշռային արժեքի և վճարված հատուցման (ներառյալ փոխանցված ցանկացած ոչ դրամական ակտիվները կամ ստանձնած պարտավորությունները) միջև տարբերությունը ճանաչվում է շահույթում կամ վնասում:

(iii) Հետագա չափումը

Դերիտորական և կրեդիտորական պարտքերը, տրամադրած և ստացած վարկերն ու փոխառությունները չափվում են ամորտիզացված արժեքով՝ կիրառելով արդյունքային տոկոսադրույքի մեթոդը:

3.3. Շահութահարկ

Ընթացիկ և նախորդ ժամանակաշրջանների համար շահութահարկի գծով ընթացիկ հարկերը, դրանց չվճարված մասի չափով, ճանաչվում են որպես պարտավորություն: Եթե ընթացիկ և նախորդ ժամանակաշրջանների համար արդեն վճարված գումարը գերազանցում է այդ ժամանակաշրջանների համար վճարման ենթակա գումարը, ապա գերազանցող մասը ճանաչվում է որպես ակտիվ:

Ընթացիկ և նախորդ ժամանակաշրջանների համար ընթացիկ հարկային պարտավորությունները (ակտիվները) չափվում են այն գումարով, որն ակնկալվում է, որ կվճարվի բյուջե (կփոխհատուցվի բյուջեից)՝ կիրառելով հարկերի դրույքները (և հարկային օրենքները), որոնք ուժի մեջ են եղել հաշվետու ժամանակաշրջանի վերջի դրությամբ:

Հետաձգված հարկային պարտավորությունը ճանաչվում է բոլոր հարկվող ժամանակավոր տարբերությունների համար, բացառությամբ այն հետաձգված հարկային պարտավորությունների, որոնք առաջանում են՝

- ա) գույքի վրա,
- բ) ակտիվի կամ պարտավորության սկզբնական ճանաչումից՝ այնպիսի գործարքի ներքո, որը բիզնեսի միավորում չէ և այդ գործարքի պահին չի ազդում ո՛չ հաշվապահական շահույթի, ո՛չ էլ հարկվող շահույթի (հարկային վնասի) վրա:

Հետաձգված հարկային ակտիվը ճանաչվում է բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող շահույթի ստացում, որի դիմաց կարող է օգտագործվել նվազեցվող ժամանակավոր տարբերությունը, բացառությամբ այն հետաձգված հարկային ակտիվների, որոնք առաջանում են ակտիվի կամ պարտավորության սկզբնական ճանաչումից այնպիսի գործարքի ներքո, որը ձեռնարկատիրական գործունեության միավորում չէ և այդ գործարքի պահին չի ազդում ո՛չ հաշվապահական շահույթի, ո՛չ էլ հարկվող շահույթի (հարկային վնասի) վրա:

2020թ. ֆինանսական հաշվետվություններին կից ծանոթագրություններ

Առաջիկա ժամանակաշրջաններ փոխանցված չօգտագործված հարկային վնասների և չօգտագործված հարկային զեղչերի համար ճանաչվում է հետաձգված հարկային ակտիվ այն չափով, որ չափով հավանական է, որ Ընկերությունն ապագայում կունենա հարկվող շահույթ, որի դիմաց կարող են օգտագործվել այդ չօգտագործված հարկային վնասները և չօգտագործված հարկային զեղչերը:

Հետաձգված հարկային ակտիվները և պարտավորությունները չափվում են հարկերի այն դրույքների օգտագործմամբ, որոնք ակնկալվում է, որ կիրառման մեջ կլինեն ակտիվի իրացման կամ պարտավորության մարման ժամանակ՝ հիմք ընդունելով հարկերի այն դրույքները (և հարկային օրենքները), որոնք ուժի մեջ են եղել կամ ըստ էության ուժի մեջ են եղել հաշվետու ժամանակաշրջանի վերջի դրությամբ:

Հետաձգված հարկային ակտիվները և պարտավորությունները չեն զեղչվում:

Հետաձգված հարկային ակտիվի հաշվեկշռային արժեքը յուրաքանչյուր հաշվետու ժամանակաշրջանի վերջի դրությամբ ստուգվում (վերանայվում) է: Ընկերությունը նվազեցնում է հետաձգված հարկային ակտիվի հաշվեկշռային արժեքն այն չափով, որքանով որ այլևս հավանական չէ, որ կստանա բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել: Ցանկացած այդպիսի նվազեցում պետք է վերականգնվի այն չափով, որքանով որ հավանական է դառնում բավարար հարկվող շահույթի ստացումը:

Ընթացիկ և հետաձգված հարկերը ճանաչվում են որպես եկամուտ կամ ծախս և ներառվում են տվյալ ժամանակաշրջանի շահույթի կամ վնասի մեջ, բացառությամբ հարկի այն մասի, որն առաջանում է՝

ա) գործարքից կամ իրադարձությունից, որը նույն կամ մեկ այլ ժամանակաշրջանում ճանաչվում է շահույթից կամ վնասից դուրս՝ կա՛մ այլ համապարփակ ֆինանսական արդյունքում, կա՛մ ուղղակիորեն սեփական կապիտալում, կամ

բ) բիզնեսի միավորումից:

Ընթացիկ և հետաձգված հարկը ճանաչվում է շահույթից կամ վնասից դուրս, եթե հարկը վերաբերում է այն հոդվածներին, որոնք, նույն կամ մեկ այլ ժամանակաշրջանում, ճանաչված են շահույթից կամ վնասից դուրս: Հետևաբար, ընթացիկ և հետաձգված հարկերը, որոնք վերաբերում են այն հոդվածներին, որոնք նույն կամ տարբեր ժամանակաշրջանում ճանաչված են՝

ա) այլ համապարփակ ֆինանսական արդյունքում,

բ) ուղղակիորեն սեփական կապիտալում:

3.4. Աշխատակիցների հատուցումներ

Աշխատակիցների հատուցումները ներառում են՝

ա) աշխատավարձը,

բ) կարճաժամկետ փոխհատուցելի բացակայությունները, ինչպիսին է վճարովի տարեկան արձակուրդը և ժամանակավոր անաշխատունակության նպաստը,

գ) պարգևավճարները,

դ) բժշկական ապահովագրության վճարները:

Աշխատակիցների հատուցումների այն գումարը, որն ակնկալվում է վճարել հաշվետու ժամանակաշրջանի ընթացքում աշխատակիցներից ստացված ծառայության դիմաց, ճանաչվում է՝ ա) որպես պարտավորություն (հաշվեգրված ծախս)՝ արդեն վճարված գումարները հանելուց հետո, և բ) որպես ծախս, բացառությամբ, երբ որևէ ստանդարտով պահանջվում կամ թույլատրվում է այդ հատուցումների ներառումը որևէ ակտիվի ինքնարժեքի (սկզբնական արժեքի) մեջ: Եթե արդեն վճարված գումարը գերազանցում է հատուցումների գումարը, ապա Ընկերությունն այդ գերազանցումը ճանաչում է որպես ակտիվ (կանխավճարված ծախս) այնքանով, որքանով այդ կանխավճարը կհանգեցնի, օրինակ, ապագա վճարումների նվազման կամ դրամական միջոցների վերադարձի:

2020թ. ֆինանսական հաշվետվություններին կից ծանոթագրություններ

Ընկերությունն աշխատակիցների կարճաժամկետ հատուցումների գծով ակնկալվող ծախսումը, կուտակվող փոխհատուցելի բացակայությունների ձևով (ինչպիսին է վճարովի ամենամյա արձակուրդը) ճանաչում է, երբ աշխատակիցները մատուցում են ծառայություն, որն ավելացնում է ապագա փոխհատուցելի բացակայությունների նրանց իրավունքը: Կուտակվող փոխհատուցելի բացակայությունների գծով ակնկալվող ծախսումը չափվում է այն լրացուցիչ գումարով, որն Ընկերությունն ակնկալում է վճարել որպես հաշվետու ժամանակաշրջանի վերջի դրությամբ կուտակված չօգտագործված իրավունքների արդյունք:

3.5. Պահուստներ

Պահուստը ճանաչվում է, երբ Ընկերությունն ունի ներկա պարտականություն (իրավական կամ կառուցողական)՝ որպես անցյալ դեպքերի արդյունք, և հավանական է, որ այդ պարտականությունը մարելու համար կպահանջվի տնտեսական օգուտներ մարմնավորող միջոցների արտահոսք, պարտականության գումարը հնարավոր է արժանահավատորեն գնահատել: Եթե ժամանակի մեջ դրամի արժեքի ազդեցությունն էական է, ապա պահուստի գումարն իրենից ներկայացնում է այն ծախսումների ներկա արժեքը, որոնք ակնկալվում է, որ կպահանջվեն այդ պարտականությունը մարելու համար:

Յուրաքանչյուր հաշվետու ժամանակաշրջանի վերջի դրությամբ պահուստները վերանայվում են և ճշգրտվում են՝ ընթացիկ լավագույն գնահատականն արտացոլելու համար: Եթե այլևս հավանական չէ, որ պարտավորությունը մարելու համար կպահանջվի տնտեսական օգուտներ մարմնավորող միջոցների արտահոսք, ապա պահուստը հակադարձվում է: Պահուստն օգտագործվում է միայն այն ծախսումների դիմաց, որոնց գծով այդ պահուստը սկզբնապես ճանաչվել էր:

4. Կարևորագույն հաշվապահական գնահատումներ և դատողություններ

ՖՀՄՍ-ի համաձայն ֆինանսական հաշվետվությունների պատրաստումը պահանջում է, որ Ընկերության ղեկավարությունը կատարի կարևորագույն հաշվապահական գնահատումներ, դատողություններ և ենթադրություններ, որոնք ազդեցություն են թողնում ֆինանսական հաշվետվությունների ամսաթվի դրությամբ ակտիվների և պարտավորությունների ներկայացվող գումարների, ինչպես նաև հաշվետու ժամանակաշրջանի ծախսերի և եկամուտների վրա:

Հաշվի առնելով, որ ընթացիկ և նախորդ ժամանակաշրջանում Ընկերության գործունեությունը չափազանց պարզ է եղել, սույն ֆինանսական հաշվետվությունների պատրաստման առումով առանձնապես նշանակալից դատողությունները և գնահատումները չեն պահանջվել:

5. Նոր կամ փոփոխված ՖՀՄՍ-ներ

5.1. Նոր կամ փոփոխված ստանդարտների և մեկնաբանությունների կիրառում
Ստորև նկարագրված են երկու նոր ստանդարտներ, որոնք ուժի մեջ են մտել և Ընկերության կողմից կիրառվել են 2019 թ. հունվարի 1-ից: Նույն ամսաթվից ուժի մեջ են մտել նաև այլ ստանդարտների փոփոխություններ, որոնք կամ կիրառելի չեն եղել, կամ ազդեցություն չեն ունեցել Ընկերության վրա:

- «Վարձակալություն» ՖՀՄՍ 16 (իրապարակվել է 2016թ. հունվարին) պարտադիր կիրառման ենթակա է դարձել և Ընկերության կողմից սկսել է կիրառվել 2019թ. հունվարի 1-ից: Ընկերությունը ՖՀՄՍ 16-ը սկզբնապես կիրառել է հետընթաց՝ այն անցումային դրույթներին համապատասխան, ըստ որի ստանդարտի սկզբնական կիրառումից կուտակային ազդեցությունը ճանաչվում է սկզբնական կիրառման ամսաթվի՝ 2019թ. հունվարի 1-ի դրությամբ՝ առանց վերաներկայացնելու նախորդ ժամանակաշրջանի համադրելի տեղեկատվությունը: Ստանդարտը սահմանում է սկզբունքներ

2020թ. ֆինանսական հաշվետվություններին կից ծանոթագրություններ

վարձակալությունների ճանաչման, չափման, բացահայտման և ներկայացման համար: Ի թիվս այլ նոր պահանջների, ստանդարտը պահանջում է, որ բոլոր վարձակալությունները (որոշակի փոքր բացառություններով) ճանաչվեն վարձակալի ֆինանսական վիճակի մասին հաշվետվությունում: Ստանդարտը փոխարինում է հետևյալ ստանդարտներին ու մեկնաբանություններին.

- «Վարձակալություն» ՀՀՄՍ 17,
- «Համաձայնություններում վարձակալության առկայության որոշում» ՖՀՄՍՄԿ 4,
- «Գործառնական վարձակալություն. խրախուսող պայմաններ» ՄՄԿ 15,
- «Վարձակալության իրավական ձև ներառող գործարքների բովանդակության գնահատումը» ՄՄԿ 27:
- «Անորոշություն շահութահարկի գծով մոտեցումների նկատմամբ» ՖՀՄՍՄԿ 23 մեկնաբանություն (իրապարակվել է 2017թ. հունիսին), պարտադիր կիրառման ենթակա է 2019թ. հունվարի 1-ին կամ դրանից հետո սկսվող տարեկան ժամանակաշրջանների համար: Վաղաժամ կիրառումը թույլատրելի է: Մեկնաբանությամբ հստակեցվում է, թե ինչպես պետք է կիրառվեն «Շահութահարկեր» ՀՀՄՍ 12-ի ճանաչման և չափման կանոնները, երբ առկա է անորոշություն շահութահարկի գծով մոտեցումների նկատմամբ:

5.2. Հրապարակված, բայց դեռ ուժի մեջ չմտնած ՖՀՄՍ-ներ

Հրապարակված, սակայն սույն ֆինանսական հաշվետվություններով ծածկվող հաշվետու ժամանակաշրջանի համար դեռևս ուժի մեջ չմտած ստանդարտները բերված են ստորև: Այս ցանկն այն հրապարակված ստանդարտների և մեկնաբանությունների ցանկն է, որոնք Ընկերության կանխատեսումներով կօգտագործվեն իր կողմից հետագայում: Ընկերությունը մտադիր է ընդունել դրանք այն ժամանակ, երբ այդ ստանդարտներն ուժի մեջ կմտնեն:

- «Ապահովագրական պայմանագրեր» ՖՀՄՍ 17 (իրապարակվել է 2017թ. մայիսին) պարտադիր կիրառման ենթակա է 2022թ. հունվարի 1-ին կամ դրանից հետո սկսվող տարեկան ժամանակաշրջանների համար, իսկ վաղաժամ կիրառումը թույլատրելի է՝ պայմանով, որ միաժամանակ կիրառվում են «Ֆինանսական գործիքներ» ՖՀՄՍ 9-ը և «Գնորդների հեղ պայմանագրերից հասույթ» ՖՀՄՍ 15-ը: Ստանդարտը սահմանում է ճանաչման, չափման, բացահայտման և ներկայացման սկզբունքներ իր գործողության ոլորտում գտնվող ապահովագրական պայմանագրերի համար: Ստանդարտը փոխարինում է «Ապահովագրական պայմանագրեր» ՖՀՄՍ 17-ին:

Ընկերությունը չի ակնկալում, որ այս ստանդարտի կիրառումն ազդեցություն կունենա Ընկերության ֆինանսական հաշվետվությունների վրա:

Ընկերությունը չի ակնկալում, որ այս փոփոխությունները ազդեցություն կունենան Ընկերության ֆինանսական հաշվետվությունների վրա:

6. Դրամական միջոցներ

Հազար դրամ	31.12.2020թ.	31.12.2019թ. (աուդիտի չենթարկված)
Ընթացիկ բանկային հաշիվներ՝ ՀՀ դրամով	6,343	32,332
Բանկային հաշվի վրա հաշվեգրված ստացվելիք տոկոս	-	224
Ակնկալվող պարտքային կորուստների պահուստ	(4)	(20)
Ընդամենը	6,339	32,536

2020թ. ֆինանսական հաշվետվություններին կից ծանոթագրություններ

Դրամական միջոցների օգտագործման որևէ սահմանափակում առկա չէ:

Դրամական միջոցների գծով ակնկալվող պարտքային կորուստների փոփոխությունների վերլուծությունը ներկայացված է ստորև.

Հազար դրամ	2020թ.		2019թ. (աուդիտի չենթարկված)	
	12-ամսյա ակնկալվող պարտքային կորուստներ	Ընդամենը	12-ամսյա ակնկալվող պարտքային կորուստներ	Ընդամենը
Հունվարի 1-ի դրությամբ ակնկալվող պարտքային կորուստների պահուստ	20	20	-	-
Կորուստների գծով պահուստների զուտ վերաչափում	(16)	(16)	20	20
Մնացորդը դեկտեմբերի 31-ի դրությամբ	4	4	20	20

7. Տրամադրված վարկեր

Հազար դրամ	2020թ.	2019թ. (աուդիտի չենթարկված)
Վարկեր ՀՀ-ում գործող վարկային կազմակերպություններին		
Մայր գումար	160,000	160,000
Ստացվելիք տոկոսներ	16,570	526
Համախառն հաշվեկշռային արժեք	176,570	160,526
12-ամսյա ակնկալվող պարտքային կորուստների պահուստ	(2,012)	(2,011)
Հաշվեկշռային արժեք	174,558	158,515

Տրամադրված վարկերի հաշվեկշռային արժեքը ենթակա է մարման հաշվետու ամսաթվից հետո 6 ամսյա ժամկետում:

8. Պահուստներ և այլ պարտավորություններ

Հազար դրամ	2020թ.	2019թ. (աուդիտի չենթարկված)
Պահուստներ արձակուրդայինների գծով	403	75
Պարտավորություն հարկերի գծով	-	955
Այլ պարտավորություններ	585	585
Ընդամենը	988	1,615

Պահուստներն աշխատակիցների կարճաժամկետ հատուցումներն են՝ տարեկան արձակուրդների տեսքով փոխհատուցելի բացակայությունների գծով: Պահուստավորումը կատարվում է յուրաքանչյուր տարեվերջի դրությամբ՝ տարեսկզբի մնացորդի համեմատությամբ աճի կամ նվազման գումարով՝ ճշտելով անձնակազմի գծով ծախսումները: Ակնկալվում է, որ դրամական արտահոսքերը տեղի կունենան հաջորդ տարվա ընթացքում՝ հերթական ամենամյա արձակուրդներն օգտագործելիս: Զեղչման ազդեցությունը համարվել է ոչ էական, և պահուստը չափվել է գնահատված դրամական արտահոսքերի անվանական գումարով:

2020թ. ֆինանսական հաշվետվություններին կից ծանոթագրություններ**9. Կանոնադրական կապիտալ**

Ընկերության հայտարարված, թողարկված և լրիվ վճարված կանոնադրական կապիտալն առ 31 դեկտեմբերի 2020թ. կազմում է 200,000 հազար դրամ, որը կազմված է 200,000 հատ 1000 դրամ անվանական արժեքով հասարակ անվանական բաժնետոմսերից:

10. Հետաձգված հարկային ակտիվներ և պարտավորություններ**10.1. Ճանաչված հետաձգված հարկային ակտիվներ և պարտավորություններ**

Հետաձգված հարկային ակտիվները և պարտավորությունները կապված են ստորև նշված հոդվածների հետ.

Հազար դրամ	Ակտիվներ		Պարտավորություններ		Զուտ	
	31.12.20	31.12.19	31.12.20	31.12.19	31.12.20	31.12.19
Դրամական միջոցներ	-	-	(11)	(55)	(11)	(55)
Վարկեր	45	73	-	-	45	73
Ընթացիկ պահուստներ	73	14	-	-	73	14
Հարկային վնաս	2,616	1,868			2,616	1,868
Զուտ հարկային ակտիվ (պարտավորություն)	2,734	1,955	(11)	(55)	2,723	1,900

10.2. Փոփոխություններ ժամանակավոր փարբերություններում

Հազար դրամ	01.01.19թ.	2019թ.-ին ճանաչված շահույթում կամ վնասում	31.12.19թ. (Աուդիտի չենթարկված)
Դրամական միջոցներ	-	(55)	(55)
Վարկեր	-	73	73
Ընթացիկ պահուստներ	-	14	14
Հարկային վնաս	-	1,868	1,868
	-	1,900	1,900

Հազար դրամ	01.01.20թ.	2020թ.-ին ճանաչված շահույթում կամ վնասում	31.12.20թ.
Դրամական միջոցներ	(55)	44	(11)
Վարկեր	73	-28	45
Ընթացիկ պահուստներ	14	59	73
Հարկային վնաս	1,868	748	2,616
	1,900	823	2,723

11. Շահութահարկի գծով ծախս (եկամուտ)

Հազար դրամ	2020թ.	2019թ. (Աուդիտի չենթարկված)
Ընթացիկ շահութահարկի գծով ծախս	-	-

2020թ. ֆինանսական հաշվետվություններին կից ծանոթագրություններ

Հետաձգված հարկի գծով ծախս (եկամուտ)՝ կապված ժամանակավոր տարբերությունների առաջացման և մարման, ինչպես նաև հարկային վնասների հետ (Ծանոթ.10)

(823)	(1,900)
(823)	(1,900)

Ընկերության կիրառվող հարկի դրույքը 18% է (2019թ.՝ 20%):

Շահութահարկի փաստացի (արդյունքային) տոկոսադրույքի համապատասխանեցում.

Հազար դրամ	2020թ.		2019թ. (Աուդիտի չենթարկված)	
	(5,527)	%	(10,564)	%
Շահույթ (վնաս)՝ նախքան հարկումը	(5,527)		(10,564)	
Շահութահարկ՝ հարկի կիրառվող դրույքաչափով	(995)	18.00	(1,901)	18.0
Զուտ չնվազեցվող ծախսեր (չհարկվող եկամուտներ)	172	(3.1)	1	0.0
	(823)	14.9	(1,900)	18.0

12. Գործարքներ կապակցված կողմերի հետ

Համաձայն ՀՀ ՄՄ 24-ի՝ «Կապակցված կողմերի բացահայտում» կողմերը համարվում են կապակցված, եթե նրանցից մեկը կարող է վերահսկել մյուսին կամ նշանակալի ազդեցություն ունենալ մյուսի վրա՝ ֆինանսական և գործառնական որոշումներ կայացնելիս: Ներկայացվող հաշվետվությունների առումով Ընկերության կապակցված կողմերն են՝ նրա միակ բաժնետերերը, գործադիր տնօրենը, ինչպես նաև նրանց կողմից վերահսկվող կամ կառավարվող կազմակերպությունները:

Ընկերությունը մայր ընկերություն չունի: Ընկերության բաժնետերերի վերաբերյալ տեղեկատվությունը բացահայտված է Ծանոթ. 1-ում:

Հատուցում ստացած առանցքային ղեկավար անձնակազմի վարձատրությունը եղել է հետևյալը.

Հազար դրամ	2020թ.	26.09.2019թ.- 31.12.2019թ. (աուդիտի չենթարկված)
Աշխատակիցների կարճաժամկետ հատուցումներ (աշխատավարձ և արձակուրդային)	16,479	7,715
Ընդամենը առանցքային ղեկավար անձնակազմի գծով հատուցումներ	16,479	7,715

13. Կապիտալի կառավարում

Ընկերության կապիտալի կառավարման առաջնային նպատակն այն է, որ Ընկերությունը համապատասխանի հաստատված արտաքին պահանջներին, և որ Ընկերությունը պահպանի բարձր վարկային վարկանիշ և կապիտալի բարձր նորմատիվներ՝ իր գործունեությունն ամրապնդելու և բաժնետերերի շահույթն առավելագույնի հասցնելու նպատակով: Ընկերությունը կառավարում է իր կապիտալի կառուցվածքը՝ կատարելով ճշգրտումներ, որոնք առաջանում են տնտեսական պայմանների և ռիսկի բնույթի փոփոխության հետևանքով:

Ընկերության կապիտալի մեծության նկատմամբ պահանջները սահմանվում և վերահսկվում են ՀՀ ԿԲ կողմից: Համաձայն ՀՀ ԿԲ կողմից հաստատված նորմատիվ իրավական ակտերի պահանջների՝

2020թ. ֆինանսական հաշվետվություններին կից ծանոթագրություններ

Ընկերության ընդհանուր կապիտալի և կանոնադրական կապիտալի նվազագույն չափը 2020թ. դեկտեմբերի 31-ի դրությամբ պետք է կազմի 150,000 հազար դրամ: Ընդհանուր կապիտալն Ընկերության հիմնական և լրացուցիչ կապիտալների հանրագումարն է՝ համապատասխան նվազեցումները կատարելուց հետո: Հիմնական կապիտալը ներառում է կանոնադրական կապիտալը, չբաշխված շահույթը (վնասը) և գլխավոր պահուստը: Ընկերությունը հաշվետու ժամանակաշրջանում պահպանել է ՀՀ ԿԲ կողմից սահմանված կապիտալին վերաբերող բոլոր պահանջները:

14. Ֆինանսական գործիքներ և ռիսկերի կառավարում

14.1. Ընդհանուր ակնարկ

Ընկերության գործունեությանը բնորոշ է ֆինանսական ռիսկերի բազմազանությունը, և այդ գործունեությունը ներառում է ռիսկի կամ ռիսկերի համախմբության որոշակի մակարդակի վերլուծություն, գնահատում, ընդունում և կառավարում: Ռիսկի կրումը ֆինանսական գործունեության անխուսափելի հետևանքն է: Այդուհանդերձ, Ընկերության նպատակն է հասնել ռիսկերի և օգուտների միջև համապատասխան հավասարակշռության և նվազագույնի հասցնել Ընկերության ֆինանսական վիճակի վրա անցանկալի ազդեցությունը: Շուկայական, պարտքային և իրացվելիության ռիսկերն այն հիմնական ռիսկերն են, որոնց ենթարկվում է Ընկերությունը:

14.2. Ռիսկերի կառավարման քաղաքականություն և ընթացակարգեր

Ընկերության ռիսկերի կառավարման քաղաքականության նպատակն է բացահայտել, վերլուծել և կառավարել այն ռիսկերը, որոնց ենթարկվում է Ընկերությունը, սահմանել ռիսկերի համապատասխան սահմանաչափեր և վերահսկման մեխանիզմներ, ինչպես նաև շարունակաբար վերահսկել ռիսկերի մակարդակը և դրանց համապատասխանությունը որոշված սահմանաչափերին: Ռիսկերի կառավարման քաղաքականությունը և ընթացակարգերը կանոնավոր կերպով վերանայվում են՝ շուկայական պայմանների, առաջարկվող տոկոսադրույքների ու ծառայությունների և ընդունված լավագույն մոտեցման փոփոխություններն արտացոլելու նպատակով: Ընկերությունում ռիսկերի կառավարումն իրականացնում է Ընկերության ղեկավար անձնակազմը: Ղեկավարությունը գնահատում է ֆինանսական ռիսկերը՝ սերտորեն համագործակցելով Ընկերության գործառնական միավորների հետ՝ դրանց մեղմացմանն ուղղված գործառնություններն իրականացնելու նպատակով:

14.3. Պարտքային ռիսկ

Պարտքային ռիսկը ֆինանսական վնաս կրելու ռիսկն է, երբ փոխառում կամ պայմանագրային կողմն ի վիճակի չի լինում կատարել իր պարտավորություններն Ընկերության նկատմամբ:

Ընկերությունը կառավարում, սահմանափակում և վերահսկում է ցանկացած բացահայտված պարտքային ռիսկի կենտրոնացում՝ մասնավորապես, մեկ փոխառուի կամ փոխառուների խմբի, ինչպես նաև տնտեսության ճյուղերի և աշխարհագրական սեգմենտների կտրվածքով:

14.4. Պարտքային ռիսկի առավելագույն չափի կենտրոնացումներ

Աշխարհագրական կենտրոնացումներ

2020 թվականին Ընկերության պարտքային ռիսկերն ամբողջությամբ կենտրոնացված են եղել ՀՀ-ում:

Գործունեության ոլորտներ

Հետևյալ աղյուսակը ցույց է տալիս 2020թ. դեկտեմբերի 31-ի դրությամբ Ընկերության պարտքային ռիսկի կենտրոնացումները հաշվեկշռային արժեքներով՝ դասակարգված ըստ գործունեության ոլորտների:

2020թ. ֆինանսական հաշվետվություններին կից ծանոթագրություններ

Հազար դրամ	2020թ.	26.09.2019թ.- 31.12.2019թ. (աուդիտի չենթարկված)
Դրամական միջոցներ (Ծանոթ. 6)	6,339	32,536
Վարկեր (Ծանոթ. 7)	174,558	158,515
Ընդամենը	180,897	191,051

14.5.Շուկայական ռիսկ

Շուկայական ռիսկը ֆինանսական գործիքների իրական արժեքի կամ դրանից ստացված դրամական միջոցների ապագա հոսքերի տատանման ռիսկն է շուկայական գների փոփոխության արդյունքում: Շուկայական ռիսկը ներառում է արտարժույթի, տոկոսադրույքի և այլ գնային ռիսկերը: Շուկայական ռիսկն առաջանում է տոկոսադրույքի, արտարժույթի բաց դիրքերի գծով, որոնք ենթարկվում են շուկայի ընդհանուր և առանձին փոփոխություններին ու շուկայական գների փոփոխությունների ազդեցությանը:

Շուկայական ռիսկի կառավարման նպատակը ռիսկի այնպիսի կառավարումն ու վերահսկումն է, որը թույլ կտա պահպանել այս ռիսկին ենթարկվածության չափն ընդունելի սահմաններում՝ միաժամանակ ապահովելով ռիսկի դիմաց եկամտաբերության օպտիմալացումը:

Ընկերությունը կառավարում է շուկայական ռիսկը՝ սահմանելով բաց դիրքերի սահմանաչափեր ֆինանսական գործիքների, տոկոսադրույքների ժամկետայնության և արտարժույթի դիրքերի գծով, որոնք կանոնավոր կերպով վերահսկվում են:

14.6.Տոկոսադրույքի ռիսկ

Տոկոսադրույքի ռիսկը ֆինանսական գործիքի իրական արժեքի կամ դրանից ստացվող դրամական միջոցների ապագա հոսքերի տատանման ռիսկն է շուկայական տոկոսադրույքների փոփոխության արդյունքում:

Ղեկավարությունը չունի ֆորմալ քաղաքականություն՝ որոշելու, թե Ընկերությունը որքանով պետք է ենթարկված լինի փոփոխական, և ինչքանով ֆիքսված դրույքներին: Այնուամենայնիվ, նոր փոխառությունների ձեռքբերման կամ տրամադրման դեպքում ղեկավարությունն օգտագործում է իր դատողությունը, որպեսզի որոշի, թե մինչև մարումն ընկած ակնկալվող ժամկետում Ընկերության համար որը կլինի առավել նպաստավոր՝ փոփոխական թե ֆիքսված տոկոսադրույքը:

14.7.Արժույթային ռիսկ

Արտարժույթային ռիսկն այն ռիսկն է, որ ֆինանսական գործիքների արժեքը կտատանվի արտարժույթի փոխարժեքներում փոփոխությունների հետևանքով:

Հաշվետու ամսաթվի դրությամբ Ընկերությունը չունի արտարժույթով արտահայտված ակտիվներ կամ պարտավորություններ և ենթարկված չէ արտարժույթային ռիսկին:

14.8. Իրացվելիության ռիսկ

Իրացվելիության ռիսկն այն ռիսկն է, որ Ընկերությունը դժվարություններ կունենա այն ֆինանսական պարտավորությունների հետ կապված իր պարտականությունները կատարելիս, որոնք մարվելու են դրամական միջոց կամ այլ ֆինանսական ակտիվ տրամադրելով: Ընկերության իրացվելիության վերահսկողությունը պահանջում է հաշվի առնել իրացվելի ակտիվների այն մակարդակը, որն անհրաժեշտ է պարտավորությունները մարելու համար ըստ ժամկետների, ինչպես նաև ապահովել ֆինանսավորման տարբեր աղբյուրների հնարավորությունը, ֆինանսավորման արտակարգ պլանի առկայությունը և

2020թ. ֆինանսական հաշվետվություններին կից ծանոթագրություններ

վերահսկել իրացվելիության հաշվեկշռային գործակիցները: Իրացվելիության կառավարման հետ կապված Ընկերության մոտեցումն է. որքան հնարավոր է, ունենալ բավարար իրացվելի միջոցներ իր ֆինանսական պարտավորությունները ժամանակին կատարելու համար՝ ինչպես նորմալ, այնպես էլ լարված պայմաններում՝ առանց իր համբավը ռիսկի ենթարկելու և առանց անընդունելի վնասներ կրելու:

14.9. Գործառնական ռիսկ

Գործառնական ռիսկն ուղղակի կամ անուղղակի կորստի ռիսկն է, որն առաջանում է պատճառների լայն բազմազանությունից՝ կապված Ընկերության ֆինանսական գործիքների մեջ ներգրավվածության, գործընթացների, անձնակազմի, տեխնոլոգիաների և ենթակառուցվածքների հետ և արտաքին գործոններից՝ բացառությամբ պարտքային, շուկայական և իրացվելիության ռիսկերի, ինչպիսիք են իրավական և կարգավորիչ պահանջները և կորպորատիվ վարքագծի ընդհանուր ընդունված չափանիշները:

Ընկերության նպատակն է կառավարել գործառնական ռիսկը՝ ֆինանսական վնասներից և հեղինակության կորստից խուսափումը հավասարակշռելով ռիսկի կառավարման ծախսային արդյունավետության հետ: Գործառնական ռիսկի կառավարմանն ուղղված վերահսկողության մշակման և իրականացման հիմնական պատասխանատվությունը կրում է Ընկերության գործադիր մարմինը: Այս պատասխանատվությունն ուղեկցվում է գործառնական ռիսկի կառավարման համար համընդհանուր չափանիշների մշակմամբ հետևյալ ոլորտներում.

- պարտականությունների համապատասխան տարանջատման պահանջներ, այդ թվում՝ գործարքների անկախ հաստատում,
- գործարքների համաձայնեցման և մոնիթորինգի պահանջներ,
- կարգավորիչ և այլ իրավական պահանջների համապատասխանեցում,
- վերահսկողական մեխանիզմների և ընթացակարգերի փաստաթղթավորում,
- առաջացած գործառնական ռիսկերի պարբերաբար գնահատման պահանջներ, ինչպես նաև ռիսկերի կառավարմանն ուղղված ընթացակարգերի համապատասխանություն,
- գործառնական կորուստների զեկուցման պահանջներ և կորուստների նվազեցման առաջարկվող գործողություններ,
- արտակարգ իրավիճակների ծրագրերի մշակում,
- վերապատրաստում և մասնագիտական զարգացում,
- էթիկայի և գործարար չափանիշների մշակում և կիրառում:

14.10. Իրական արժեքներ և հաշվեկշռային արժեքներ

Հաշվետու ամսաթվի դրությամբ Ընկերության ֆինանսական ակտիվների և ֆինանսական պարտավորությունների հաշվեկշռային և իրական արժեքները մոտավորապես նույնն են:

15. Պայմանական դեպքեր և հաշվետու ժամանակաշրջանից հետո տեղի ունեցող դեպքեր

15.1. Հաշվետու ժամանակաշրջանից հետո տեղի ունեցող դեպքեր

Ինչպես նկարագրված է Ծանոթ. 1.2-ում, 2021 թվականի հունիսի 4-ին ստորագրվել է Ընկերության 100% բաժնետոմսերի առուվաճառքի պայմանագիր:

15.2. Դատական գործեր

2020թ. դեկտեմբերի 31-ի դրությամբ Ընկերությունը ներգրավված չի եղել որևէ դատական գործում՝ թե՛ որպես հայցվոր, թե՛ որպես պատասխանող:

2020թ. ֆինանսական հաշվետվություններին կից ծանոթագրություններ

15.3. Հարկային անորոշություններ

Հարկային համակարգը ՀՀ-ում դեռևս աչքի է ընկնում օրենսդրական հաճախակի փոփոխություններով, պաշտոնական պարզաբանումներով, որոնք երբեմն անհստակ են, հակասական կամ տարընթերցունքի տեղիք տվող: Հարկային մարմինները կարող են ստուգել Ընկերության հարկային հաշվարկներն ու հայտարարագրերը և իրավունք ունեն տույժ-տուգանքներ նշանակելու: Որևէ ժամանակաշրջանի համար ոչ ճիշտ հարկային հաշվետվություն ներկայացնելու տարվան հաջորդող երեք տարին լրանալուց հետո այլևս նոր հարկային պարտավորություններ՝ ներառյալ տույժեր և տուգանքներ, չեն կարող առաջանալ: Նշված հանգամանքները կարող են առաջացնել նշանակալի հարկային ռիսկեր: Ընկերության ղեկավարությունը վստահ է, որ իր հարկային պարտավորությունները հաշվարկել է պատշաճ կերպով՝ հիմնվելով ՀՀ հարկային օրենսդրության, հարկային հարաբերություններ կարգավորող այլ իրավական ակտերի՝ իր մեկնաբանության վրա: Այնուամենայնիվ, հարկային մարմինների մեկնաբանությունները կարող են տարբերվել սույն ֆինանսական հաշվետվությունները պատրաստելիս հիմք ընդունած մեկնաբանություններից, և, եթե հարկային մարմինները կարողանան պարտադրել իրենց մեկնաբանությունները, ապա դրանց ազդեցությունը կարող է նշանակալի լինել:

15.4. Վարկային ռիսկ պարունակող պարտավորություններ, երաշխիքներ, երաշխավորություններ և այլ ֆինանսական պայմանագրեր

2020թ. դեկտեմբերի 31-ի դրությամբ Ընկերությունը տրամադրած երաշխիքներ, երաշխավորություններ և հետհաշվեկշռային ռիսկեր պարունակող այլ ֆինանսական գործիքներ չունի:

		
Գործադիր տնօրեն		Փխավոր հաշվապահ
Տիգրան Բոստանջյան		Աննա Կարապետյան

29 հունիսի 2021թ.